



西  
陂  
類  
稿

詩

第  
二  
冊





自一卷至十五卷

西陂類稿卷一

商丘宋犖牧仲

古竹圃稿

齋居

窮秋風雨積茫茫  
失昏曉擁被臥匡牀  
簷前轉孤鳥披衣啓蓬戶  
千林忽如掃黃葉滿階除  
菊華亦已槁紫蘭落其英  
飛蘿尚嫋嫋顧此歲云晏  
柳鬱傷懷抱空簾閉幽獨遺編恣探討  
今古兩難名寒牕盪叢篠

空城雀

西陂類稿

卷一

空城雀聲啾啾  
羣飛往來求其儔  
蓬科有子塚有水朝夕飲啄樂無已  
慎勿飛向人家裏  
少年挾彈子兒童把黏竿  
人家待爾供盤餐  
嗟哉爾雀百憂攢

賜宴

執戟趨丹陛  
雲霄侍禁鑾  
仗前朝賜坐  
苑裏畫傳餐  
醕醪黃金椀  
櫻桃赤玉盤  
承恩歌湛露  
獨有近臣歡

大獵

講武 天王事觀風 聖主心三驅寬肅殺八駿

鄙荒淫龍幄留中野霓旌出上林  
攸飛隨衛士夙昔荷恩深

古廟

峻嶒古廟坐荒岑神鬼森羅玉座深  
畫壁旌旗閒自動雕簷松柏晝長陰  
行人十里聞鐘至怪鳥三更入戶吟  
欲問何王香火地螭碑零落土華侵

天河

萬古秋霄上迢遙一水橫光涵星宿  
小影帶月華清灑氣通滄海餘波洗  
甲兵年年鵲橋渡牛女可憐情

西陂類稿

卷一

二

送里人南歸

幾日烽煙息天涯君獨歸且消今夜酒  
去掩故園扉臺圯黃河逼村荒紫蕨肥  
吟詩倍惆悵心逐片雲飛

戚家堰

遠樹重重雜暮煙荒灘流水自潺湲  
漫言此地行人少解甲歸農始二年

東村刈麥同侯朝宗賈靜子賦

五月東村麥芄芄沒壠高因風翻廢圃  
過雨亂平臯官帖儲胥急田歌銓艾勞  
永言勤力作庶此慰

嗷嗷

過北莊四首

凌晨天氣佳策馬荒城下一徑度陂塘泉源自傾  
瀉菱葉靜如拭荷花秀堪把迴溪鳥語多近岸人  
蹤寡縱目碧煙深嘉禾盈四野  
雨意有無閒隨風倏以至喜茲土氣香何惜霑衣  
袂梢梢林表疎灑灑田間細雲脚指頰岡雷聲出  
古寺白鷺遠更明黃鸝溼欲墜道旁有孤槐枝葉  
相虧蔽下馬雜地坐斑白與童穉話言固無倫樸  
直亦可對所願歲功成一朝償積稅

西陂類稿

卷一

三

雨後耳目清幾處鳴蟬聒逶迤到荒村田園慰飢  
渴我屋八九間軒楹對空闊臥起遂移時憑几進  
粗糲俯仰愜初懷吟咏得開豁朱槿綴籬邊青藤  
纏木末桃李何離離瓜實亦堪掇地偏勝事收心  
遠塵緣割寄語市廛人樊籠自可脫

振衣陟林丘曲徑任吾取有廟峙其巔蕭然見環  
堵烏雀聚几筵牛羊散廊廡碑圻古篆文年代誰  
能數再拜一眺望微陽正亭午豆葉碧連雲黍苗  
青映土農事信可悅躬耕詎云苦攘攘走兒童前  
村喧社鼓

落花

昨日花簌簌今日落如掃反怨盛開時不及未開好

嘉禾堂稿

蚤過東村

凌晨發逸興策馬背荒城平原何膾膾秋色殊空明疎雨夜來過林壑被餘清茅茨相因依蒼蔚藏柴荆已喜塵鞅隔况聞好鳥鳴披襟話野老愉悅盪心情攘攘市廛內無乃喪吾生緬彼桃花源永

言羨躬耕

西陂類稿

卷一

四

曉起

曉起兀坐南軒前物華滿目相新鮮海棠斑斑紅點地枯柏鬱鬱青參天屋上鳴鳩亦何意籬邊戲蝶真堪憐十日五日望雨急喜爾雲氣來飄然

宿州道中

相傳州有盜鞭祠

故國辭梁苑孤城問宿州驅車岐路遠到眼亂山稠塔廢巢雙鸛渠荒下片鷗東陵香火在試問欲何求

過鳳陽

廢殿今猶在祠官久不供牧牛來豎子棲鳥失長

松日抱蒼崖遠雲流碧澗重  
興朝忠厚意隧道  
有人封

夜發大山舖至關山作

夜發大山舖西南陟諸嶺崖谷將萬轉山木相與  
永殘月在林端層層散清影漱流趣不稀躋險心  
猶逞白芷映紅榴青蒲交翠苻行矣復停輿晨光  
忽耿耿何處子規啼回頭得深省

瑯琊寺

數里環蒼翠山門轉折多佛樓橫澗底講席峙巖  
阿細雨斜侵竹長虹晚入河到來清興發絕頂自  
西陂類稿 卷一

五

高歌

歸雲洞

不盡登臨興新晴肯遽還側身山谷裏捫葛洞門  
邊石乳時時雨松陰處處煙黃昏仍倚杖片月向  
人懸

楚江曲

楚江來湯湯瞬息已千里明月在遙天清光散江  
水揚舫鼓柁欲何之今夜鄉心只自知側身北望  
風吹袂江水東流明月西

咏史二首

吾觀曹參相英偉有奇抱攻城與野戰氣象凌蒼  
昊一聞蓋公言刻意遵黃老去齊語代者獄市并  
容好及其登朝後酣飲忘昏早歌呼和羣吏中懷  
何浩浩守成無異術清淨以爲寶史遷贊匪誣極  
言能合道寄語功名人鋒稜亟須掃

古之恭謹士乃推萬石君躬行感人主舉家盡欣  
欣惟建稱克肖遇事展殷勤退朝入子舍手浣親  
中裙慶也稍簡易數馬有令聞雖曰天姿厚亦惟  
和氣熏千秋讀遺史藹然接清芬嗟哉世儒輩務  
華徒虛文

西坡類稿

卷一

六

夏日同杜于皇康小范陳伯璣董文友倪閣  
公過高座寺訪無可大師復至萬松菴訪張  
爾公吳漢若卽事有作

凌晨結伴出長干雲白山青野望寬花雨高臺間  
遠磬松陰曲徑覓幽蘭六朝興廢從誰問一代風  
流接席看欲刻新篁留姓字茶煙輕裊夕陽殘

烏江

落日烏江繫小船  
拔山氣勢想當年  
一聞古廟荒煙外  
野鼠銜髭上几筵

題胡循蜚畫石

素壁陰森翠幾重卷然削出玉芙蓉知君不盡西  
湖興特寫飛來第一峰

贈汪孟初山人

石耳山中七十翁往來梁苑鬢如蓬可憐大有吟  
詩癖一日新篇滿一筒

送郭臥侯給諫還白門

承恩給事新歸沐此日褰帷雪正飛梁苑可能留  
賦草江鄉未許戀漁磯十年河決民勞急千里屯  
荒廟算違一路瘡痍堪灑淚重來肯使諫書稀

西風

西風類稿

卷一

七

一夜西風急閒門落葉稠青煙收曠野白日媚窮  
秋鴻雁歸應盡芙蓉晚故留無端悲節序惆悵向  
林丘

寄胡循蜚

忽憶西湖客端居歲月淹波光連小苑山色滿虛  
檐鬪箸蓴絲滑彈箏玉指纖何時能過訪賦筆許  
同拈

送胡去驕七十四韻

先子晉綸扉乃在丙戌歲賤子藉餘蔭觀光太學  
內時維童子年碌碌隨流輩君家先學士適踐司

成位師道煥然明端居垂訓誨講學似昌黎斯文  
未終廢諸生荷鈞陶賤子破愚昧正如草木生因  
人得灌溉持此感至德終身矢不置無何歲月遷  
彼此忽異地回首歎猶龍中心徒憤憤辛卯夏五  
月先子遂勇退未成綠野遊已見墓門閉歎我失  
怙兒常懷負笈志嗚呼壬辰冬師也復長逝造物  
何冥冥吾道任凌替痛哭向昊天形容日顛顛狂  
與阮籍同貧豈原憲愧去去向京華孤身歷幽薊  
宮闕鬱嵯峨遠近相虧蔽桂棟映蘭橈臨風何綺  
麗奔走九陌中詞賦成嫚戲丁酉孟秋月與爾倏  
西岐類稿 卷一 八

然值夙昔未相逢一朝快把臂不遑問出處先自  
述家世四目如湧波各灑終天淚泣罷乃還歌斗  
酒竟沉醉俯仰天地間身名貴自致鸞鳳卽雞鶩  
駑駘亦騏驥萬事無端倪誰能辨軒輕所幸有吾  
徒先猷未失墜一嘯暫揮手蹤跡兩捐棄西山新  
雨後何人挹蒼翠淹忽逾二年中懷鬱以積梁苑  
有薄田日夕甘負耒善病類文園殷憂恒惴惴每  
咏蒹葭篇秋水渺無際山寒桂花落幾日幽盟遂  
徘徊歲云暮霜雪彫蘭蕙蓬蒿滿院宇直如張仲  
蔚客自廣陵來停驂叩我第連宵夢見之失喜故

人至入戶坐我牀張燈解君佩酌酒話艱辛山廚  
薦霜菜酒闌各就寢誰能便安寐更起坐月明蕭  
蕭朔風吹轉盼和氣回春事自茲始平臺峙沃野  
晴雲浮靉隸登高望四海樽酒尋常載黃河浩蕩  
流鄒枚竟安在懷古發奇情高吟屏塵態鴻鴈競  
嗷嗷飛鳴向邊塞城市隱鱗鱗人煙何瑣碎時從  
竹圃遊還向鶴洲憩平原十日飲盛事應難再此  
日最風流前徽幸可逮論文宗馬遷咏詩追曹植  
正聲變衰靡明堂尊鼎鼐敢言身後名且快吾徒  
意門掩卷常披盃空酒更貰情親見肺肝意洽呼

西陂類稿

卷一

九

兄弟舍弟炘與炆頗亦稱解事圍碁展戲謔染翰  
叨陪侍徐子恭士與葉君荃伯十載甘蘿薜時來共盤

桓妙論焉能計君言親未葬此地敢留滯中夜忽  
徬徨淚下霑衣袂將命邗江舟兼鼓洞庭柁言辭  
何凜凜所貴在大義青眼更誰開白駒難爾繫且  
復立須臾顏色暫相對風前遠樹齊雲外晴巒出  
顧景倍惆悵折柳起長喟再拜贈芻蕘明德須砥  
礪

城西陂泛舟二首

萬頃琉璃外城樓似畫圖危橋憑浪遠野艇帶雲

孤渚淨花堪摘沙明鳥自呼歌頭傳水調高興滿  
江湖

柁響蛙聲歇舟停露氣微渚煙閒泛泛汀柳故依  
依白破晴沙遠青抽亂葦肥羣鷗吾共汝莫漫拂  
波飛

牽牛織女

夜靜河漢明迢迢流中渚鼎足三星間盈盈者織  
女彷彿是牽牛相對還自阻抱此萬古情悵望不  
能語惟有左右旗每夜伴機杼

出郭

西陂類稿

卷一

十

出郭行未遠林壑相因依散步發逸興茅茨帶斜  
暉牛羊下前坡一一望柴扉徑轉桃李熟溪平魴  
鱖肥翠苜牽且流小燕止復飛時見村中人持竿  
坐漁磯卽此堪怡悅攘攘竟安歸

秋日過秦虞桓草堂

借得山僧杖來尋處士家一丘森竹樹半畝足煙  
霞路轉寒潭靜堂開斷嶺斜漁舟時復至溪上有  
桃花

杖策

杖策城西路涼風八月天林深喧老鶴澗窄湧清

泉雨氣秋原外人家夕照邊桃源真可覲吟眺未能還

### 登廢城

荒城亘數里形勢自森布秋草碧參差閒雲莽回互停車陟其巔披榛得徐步白日忽西馳乾坤入薄暮行潦接洪流歸人喧野渡遠村蚤稷收近岸寒鴉聚縱覽感孤懷含悽倚獨樹往者全盛日茲城稱虎踞城中十萬家歌舞不知數狂寇來縱橫蹂躪失險固燐火照郊原通衢走狐兔遺鏃樵夫拾廢堡山僧住回頭市井閒人煙已非故淒涼二西陂類稿

卷一

十一

十年小康猶未賦暫此息鼓擊遙天看飛鷺

### 稍晴

久雨苦泥滓瘦日見亦稀稍晴氣象好繞屋烏雀飛朱杞搖壞壁翠竹倚頽扉岸幘步秋草雲影落人衣蕭散有如此合取五絃揮

### 過盧溝橋

盧溝橋畔雪霜多今日衝寒又一過不道鄉心南去急祇疑波浪似黃河

### 涿州道中

暫喜風霾息還愁道路長蚩尤傳戰鬥獨鹿見青

蒼地迴城依水天寒樹帶霜忽聞吹簾策獵騎出  
長楊

宿金隄驛有感步申鳧盟壁上韻

晚飯依童僕燈前粗糲香窮途驚歲序好友惜淪  
亡謂邢臺黃更生臨洛李臺辰月暗寒雲重風淒畫角長鄭虔

雙白鬢何異魯靈光

時丁野鶴爲容城廣文

清風店口號

店有西泠難女宋娟遺筆

淒風苦雨不勝悲獨宿清風店裏時一夜幾番添  
蠟燭牆頭細讀宋娟詩

邯鄲道上

西坡類稿

卷一

十二

邯鄲道上起秋聲古木荒祠野潦清多少往來名  
利客滿身塵土拜盧生

山齋

庭隅危石競巉巉石上蒼松映碧杉登眺無煩尋  
五嶽晨昏長此對千巖風前雲氣來書幌雨後苔  
痕照客衫一卷南華堪累月滿階秋草不須芟

送李草樓太守之官黎平

五溪南下擁輕船後夜思君倍寂寥定有功名酬  
虎竹何妨詞賦繼龍標山盤銅鼓愁陰洞江遶泮  
舸指暮潮回首中原飛鳥外嶺梅好寄一枝遙

沐浴子

澡身濁井泉沐髮渾水溝本欲求光澤翻貽七尺羞所以濯足者須乘萬里流

飲酒

日暮山色紫池水深且清園花半欲落宿鳥向人鳴浩歌酌春酒蕭然適此生明月如故友相對坐南榮

柳湖草

秋日柳湖僧舍二首

西風吹淡蕩秋色晝陰陰古寺塵喧隔空庭煙雨西陂類稿

卷一

十一

沉寒蛩啼壞壁清磬落疎林獨坐披圖史悠哉愜素心

秋花開石砌散步挹清芬山色當門見鐘聲帶月聞短衣添敗絮晚飯憶香芹何限京華客真同涇渭分

劉鴻臚歌

宣城劉叟名光揚年過六十鬢髮蒼一身落拓僅三尺雙瞳如水分毫芒十年海內盛翰墨短碣豐碑盡鐫刻琅華館與快雪堂至今處處生顏色憶昔

先皇天縱才臨池學書何勤哉 宸翰精妙古無  
比上與雲漢同昭回猶云絕技必古人窮搜墨寶  
前具陳真蹟雙鉤上文石揚也奉詔無逡巡元秘  
塔九成宮經年摹勒何其工縱橫波磔無遺憾本  
來面目將無同搨成匍匐瀛臺奏 至尊含笑當  
清晝賜金賜絹皆固辭賜官拜受誠希覲官列鴻  
臚承 帝眷從茲出入文華殿退朝常得奉 宸  
遊日下人爭識君面無何龍馭忽升遐薄俸雖存  
罷曉衙疲驢漫走長安道手持 御墨賣誰家歲  
云暮矣臥茅廬車馬蕭條故舊疎無限傷心堪灑  
淚柴門猶自署鴻臚

西陂類稿

卷一

十四

過沈仁伯寓

同是他鄉客看君倍可憐柴門寒背日土竈靜無  
煙車馬交遊少丹青歲月遷騎驢暫相訪談笑得  
悠然

長安曲二首

滿目飛沙十月天名王新唱凱歌旋燈前解却黃  
金甲兩隊吳姬奏管絃  
中和大樂類咸英九奏瀛臺悅 聖情昨日金鰲  
橋上過天風吹落鳳凰聲

和唐人姚倫感秋林作

霜滿空庭樹芳菲事已殊  
葉隨千陌迴影落四鄰  
孤蕭滅來秋月槎柯集  
夜烏東皇消息近何必怨彫枯

鴈

萬里憑雙翼三秋乍一聲  
影隨霜月落陣帶野雲橫  
絕塞眠孤戍深閨倚繡楹  
淒清偏入耳何限暮愁生

雨餘

雨餘片月上光彩晶然開  
青松蔭幽徑白露露荒臺  
攬衣恣閒步忽見飛鴻來  
浩歌感流景鬱思難爲裁

西坡類稿

卷一

十五

題女郎畫梅

竹外香飄豔雪姿多情翠羽  
呀疎枝掃着才子無雙筆  
貌得羅浮夢醒時

聞砧

一片空中響閨人萬里情  
夜深時斷續聽久忽分明  
韻起霜階冷風傳遠巷  
清搔頭添客恨不待峽猿聲

題雪景畫

層巖策杖立從容積素凝寒千萬峰老樹敲斜飛  
鳥絕寺門深掩一聲鐘

道中遇雨

目斷鄉關杳陰雲萬里生春衣逢暮雨疲馬望孤  
城隴麥參差秀村煙斷續明懸思歸舍日嫩竹滿  
前楹

武城道中

小邑名元著蕭條戰伐餘河流環廢堞茅屋枕荒  
墟日午行人少天空過鴈疎明農方下詔誰爲

勸耕鋤

西坡類稿

卷一

十六

荒村

霽色催征騎荒煙望戍樓斷雲寒繞樹殘雪曉盈  
疇菽水經時缺風塵幾日休歸心同塞鴈迢遞下  
河洲

將抵里門途中苦雨二首

咫尺淹歸騎荒村暮雨聲愁眠曹叔邑夢繞宋王  
城野店牛羊聚虛簷鳥雀爭出門泥滑滑翻羨雪  
中行

入夜響滂沱空房水氣多也知田父喜其奈客愁  
何紅燭消殘漏清樽發浩歌橫流前路滿聞說漲

黃河

西陂類稿卷一終

男至校字

西陂類稿

卷一

十七

西陂類稿卷一終

男至校字

西陂類稿卷二

商丘宋犛牧仲

將母樓稿

秋日赤壁公讌用徐亦史令君韻

飛蓋真成爛熳遊  
孤亭如笠俯黃州  
褰衣盡有滄洲興  
對酒寧無白雪謳  
斷岸霜風吹草樹  
寒江煙雨凍鳧鷗  
中宵漸吐東山月  
揮手還登百尺樓

破額山前碧玉流歌

破額之山何崔嵬  
雙峰對峙雲中開  
上有青松萬樹相糾結  
下有飛泉一道相縈迴  
乘風直下一千

西陂類稿

卷二

一

丈石魚磯上如奔雷  
石魚映日鱗甲動  
噴波幾欲揚其顛  
我從塵中來選勝  
此徘徊釋氏遺蹟樵人說  
山腰殿閣生蒿萊  
何必窮巖穴  
此際宜銜杯  
長橋如螭跨瀑布  
顧盼忽已離塵埃  
橋邊三大字云是柳河東  
石崩水激苔紋紫  
其書彷彿如驚龍  
摩挲發高興吟眺  
凌長風安得攜家誅茅此  
中住漱流枕石歡無窮

食鼈羹作

介蟲之元勢最豪  
如輪穹脊來江濤  
盤餐誰使窮水族  
滋味直欲分太牢  
犀箸交錯亦何忍  
鸞刀縷

切隨所遭嗟爾子公竟染指須知口腹難爲操

曉起

朝陽欲上雲氣寒江湖一望波濤寬哀鴈去樓不  
盈尺疎竹搖風纔數竿天涯歲暮倍惆悵孤身小  
院仍盤桓樽中有酒須盡醉昨日菊花今日殘

種松

一片青蔥色移來歷萬峰數枝初伴鶴孤幹已猶  
龍日瘦陰還薄風多響自重歲寒堪寄傲何必大  
夫封

卽事六首

西陂類稿

卷二

二

兩年宦況一囊詩盡日都爲嘯咏時欲向前廳了  
公事二三老吏正圍碁

危樓百尺向江開把酒登臨日幾迴隔岸樊山能  
好我故將青翠入牕來

東齋不復似官衙竹徑松扉興自賒最是園丁能  
解事黃昏時節課澆花

土定盤中堆茉莉漢銅壺內浸荷花垂簾靜對郭  
熙畫散髮頻傾陽羨茶

雨過山光翠且重一輪新月掛長松吏人散盡家  
僮睡坐聽寒溪古寺鐘

聚寶山頭日已曛閒尋怪石踏飛雲牧童樵子相  
傳說拾得應來獻使君

江上行送陳義扶

籬邊黃菊如金錢與君對菊當秋天樽中有酒如  
流泉與君對酒吟新篇盤桓十日樂不極如何忽  
汎湘江船湘江之水流潺湲青山兩岸相連綿送  
君南浦日將夕高歌一曲扣其舷一曲未終帆已  
揚臨風分袂徒徬徨蘆花楓葉皆愁色況復猿聲  
堪斷腸

秋興四首

西陂類稿

卷二

三

楚中形勝說黃州亂後依然江水流到眼雪堂紅  
樹老傷心赤壁白雲秋官閒射虎時驅馬歲晚看  
山幾上樓俯仰天涯蕭瑟甚叢篁寒雀暮啾啾

侍從當年向紫宸天街走馬錦袍新門開左翼  
貂璫聚樂奏中和豹尾陳西苑射生叨宴飲南郊  
饗帝仰明禋鼎湖龍去辭丹闕淚灑滄江把釣

緡

昨日聞人說洞庭滄波浩淼接雲汀遲迴煙艇空  
中見斷續漁歌浦外聽柳毅廟深飛素月湘妃墓  
冷閃秋螢何時鼓柁乘流去遙識君山一點青

公庭吏散快閒身茗椀詩筒發興新春水得鱗晨  
獻母秋風翦韭夜留賓三年偃仰江湖闊數子追  
隨笑語親忽復冥鴻天外去蘆花鷗鳥正愁人

時何

道岑王侯  
齋同罷官

葛殿卿雨中見過卽席賦贈用彭禹峰先生

韻

吳楚風煙入望寬嗟君歲晚未能安半生遊宦功  
名薄四海依人道路難赤壁孤舟楓葉冷臨臯古  
寺雨聲寒何妨十日衙齋坐碧酒黃花取次看

陽羅大士閣

西坡類稿

卷二

四

陽羅江邊赤石磯崢嶸高閣帶斜暉千帆風雨當  
牕過萬頃煙波傍檻圍白鳥銜魚棲佛座紅桃映  
水出禪扉宋元戰伐傳來久弔古悲歌幾振衣

寄徐恭士

海內文章伯還推徐穉優多時成白首何日到黃  
州鴻鴈三春少雲山四望稠臨風聊寄訊遲爾月  
波樓

瓶梅

愛爾菲菲豔雪姿高齋清案最相宜故園千樹開  
還落却向黃州借一枝

秋日江上送曹吉玉入粵胡去驕入吳

二子乘秋發扁舟泛大江別離知有約懷抱詎能  
降庾嶺梅千樹吳天鴈一雙山樓相憶處明月正  
窺牕

秋雨

浙瀝來虛閣蕭疎動遠林雨添官舍靜雲入大江  
深客思消樽酒勞歌託玉琴一簾寒氣逼惟有草

蟲吟

雨後

雨後月倍明清光散秋圃魚潛幽澗水鳥墜空亭

西陂類稿

卷二

五

樹我來忽感此披衣驚四顧含悽誰復言悠然成  
冥悟

望龍蟠磯

孤嶼排空起波濤萬頃連蛟龍留窟宅殿閣自江  
天法鼓聞山縣神鴉送客船沙頭閒極目斜日起  
蒼煙

過寒溪寺二首

曉起泛澄江寒溪尋古寺捨櫂越崇岡遙山送青  
翠稻畦遠近看窈窕垂新穗流泉活活通白鳥翩  
然至伊余耳目清已快平生志矧迺澗壑幽咫尺

藏初地杖策望山門雙幢樹閒出

琳宮盤谷口喬木帶飛蘿到門聞啼鳥幽意亦何  
多褰衣入淨域樓閣森嵯峨老僧禪誦罷洗甕插  
新荷見客競前進禮數謝煩苛茶瓜列方丈談笑  
對巖阿淹留遂日夕齋鼓喧靈鼉

東齋作

官衙類荒村高齋莽寥廓几席控江湖軒楹帶巖  
壑往往山水音冷然座中作牆隅竹與蕉枝葉相  
參錯青黃麗可觀如對三春萼嚴霜旦夕來露灑  
將零落燦燦東籬花顏色已非昨臨風步廣除徒  
西政類稿 卷二 六

倚聞寒雀眷言盛歲淹顧念修名薄撫衷抱鬱陶  
任運甘蕭索載咏素餐詩于焉發內作

春日偶成同張長人用王雪洲給諫韻

城荒官舍靜晨夕聽江聲春晚煙波闊風高鸛鶴  
鳴三年京國夢萬古楚騷情樽酒修篁下窺人片  
月清

程石門覲畢歸滇舟過江上以新篇見寄依  
韻奉答

虎拜新從鷓鴣班雲霄高躅未能攀纔來別浦風  
前權又隔寒溪雪後山一代雄文傳諭蜀十年薄

宦佐征蠻相思況接瑤華贈目極歸鴻落照間

黃州除夕三首

歲除官愈閒不復親文牒長嘯向高齋磨墨寫門帖

弟作燕山客兄爲漢水遊高堂當此夕兩地思悠悠

何限鄉關思天涯獨倚樓最憐小兒女談笑說黃

州

大別山謁禹廟

古廟峻增霄漢間紆迴石磴曉躋攀庭前碑勒岫

西陵類稿

卷二

七

嘯字棟裏雲生大別山浩蕩神功崇報祀蒼茫江水送潺湲自憐浪迹同漁父風雨孤舟數往還

樓上望江南諸山用太白韻

登樓望南山千峰秀無限朶朶青芙蓉嗟峨常在  
眼山根界大江驚濤如雪卷坐來移我情高歌興  
不淺薄暮白雲生茫茫失絕巘

月夜用韋蘇州韻

春風淡蕩吹階草參差發晚晴林靄收步此階前  
月徙倚望南山連天青未歇

樊口二首

地接滄江遠波連曲港深人煙環近渚雞犬散疎  
林水落魚初出山高日易陰只應同釣叟來往得  
幽尋

落日荒江畔停橈處處船人間沽酒地風冷賣魚  
天遠水菰蒲接空林橘柚懸坐看新月上長嘯破  
蒼煙

感遇七首

涼秋豐暇豫齋居對空林微雨長苔蘚院宇晝陰  
沉仰睇鴻鴈翔俯聽蟋蟀吟撫時惻物變感歎勞  
余心江湖浩漫漫名山鬱嶠欽祇應遊寂寞沮溺

西陂類稿

卷二

八

相追尋

北牕數武地蔓草不復除中有傲霜花枝葉何扶  
疎繁英冒煙靄爛然照吾廬采采欲盈把馨香襲  
衣裾晚成有餘美奚事豔陽初豔陽桃李開歲暮  
將焉如

漢代重外戚田蚡與竇嬰灌夫豪俠徒爵位各崢  
嶸大業既已定氣勢還相傾如何杯酒地遂使荆  
棘生竇氏稍退讓亦多偏黨行凶德適參會籍福  
安能平徒令千載後史冊有譏評

斜陽在庭戶忽已至夜分空齋燒短燭耳目淨塵

氛蕭條風落木淡蕩月穿雲緬彼同懷子千里隔  
清芬願言采瑤草寄爾將殷勤關山渺何許鴈影  
徒紛紛中心怒如擣惆悵楚江濱

昔者郭令公英風擅八區功高名亦重豪奢爲歡  
娛誰知歌舞場乃爲恬淡圖後世齷齪輩致身多  
岐途一朝遂富貴金紫耀其軀堂上錦繡圍堂下  
劔戟趨有時明月落酣飲臥髡髡百事盡荒廢四  
顧殊睢盱翻笑讀書子自守何其愚嗟哉孰與辯  
頰首起長吁

巫山女粗醜乃有王明君峽中寡俊才屈原撰奇

西陂類稿

卷二

九

文靈芝出糞壤所自安足云胡爲紈袴子家世誇  
令聞俯視蓬蒿士宛如河漢分貴者擅其貴雞鶩  
徒紛紛賤者守其賤蘭蕙同芳芬

太上有立德其次有立功文章亦末事自古薄雕  
蟲安能恒誦讀皓首敝帷中奮起擊長劔斗室生  
雄風高歌命樽酒氣欲凌蒼穹歲月不我待江上  
彫青楓欲濟恨無梁俯仰心忡忡徬徨日終夕羨  
彼雙飛鴻

小孤篇

小孤之山孤且高于雲矗漢何雄豪崎嶇磊落遠

難辨惟見千尋玉筍穿江濤我來探奇乘漁舫長  
歌直上如猿猱攀蘿捫葛踏陰磴耳邊恒聽風怒  
號大江浩浩何處來排空倒峽岷山開洞庭彭蠡  
相灌注此山不動真崔嵬馬當橫其下彭郎跨其  
旁匡廬五老拱而立雲煙出沒遙相望山腰有飛  
閣繡柱映雕甍金支翠旗光閃爍神之座兮何崢  
嶸臨風倚杖興無窮振衣直欲凌蒼穹孤亭如笠  
峙峰頂俯視吳楚青濛濛夜靜鼃鼃觸石壁秋高  
鶴鶴鳴霜楓白鷗烏鬼不知數銜魚哺子懸崖中  
小孤勝如此大孤復何如江天空闊看不極白日  
西陂類稿 卷二 十

舟泊老鸛口與丘曙戒登岸小飲

曲港危檣密空江落日圓故人初邂逅野岸共留  
連筍摘新蘭嫩魚烹小鮓鮮村醪容易醉好傍白  
鷗眠

望太子磯

路轉樅陽口遙看太子磯小山橫碧浪古廟冷朱  
扉曝日靈鼉上銜魚水鳥飛何當佩笈箬一擢此

中歸

板子磯望蕪湖有感二首

雲影悠悠浪影微呢喃紫燕傍船飛春風桃柳增  
人恨又到江南板子磯

乘風一櫂向鳩茲獨倚船牕憶往時多少故人零

落盡識舟亭上又題詩

謂唐祖命陳伯磯諸子

春夜舟泊蕪湖飲識舟亭

岸幘空江上登臨有廢亭檻邊看夜市杯裏落春  
星故友渾彫謝漁歌半杳冥淒其遊子意明發又  
揚舲

西坡類稿

卷二

十一

江上望九華山

太白古豪士名比青琅玕常爲江南客九子得奇  
觀坐愛蓮花峰排空何巒屹嘉名此肇錫洵足重  
煙巒我行訪巖壑鼓柁凌江湍蕭晨懷勝賞鼓枕  
未能安須臾共舟子指顧天際看龍從羣岫出秀  
色良可餐嵐光殊縹緲頓令江空寒雖未窮靈境  
已發中心歡如同所思友一旦相盤桓悵望恐卽  
過捨櫂步回灘亭午獨延佇願假高飛翰

雨中同友人過松濤菴小飲

共有尋幽興招提冒雨過雲飛深院靜松響暮山

多古殿聞清磬芳樽對碧蘿莫愁歸路滑吾欲臥  
巖阿

舟泊天門登梁山

水宿苦縈迴維舟步江滸天門劃然開竝峙雄千  
古梁山巖壑幽突兀若廊廡穿雲一逕遙林薄靄  
春煦峰腰棠棣繁礧側朱櫻嫵芬菲表雜花採擷  
欣儔伍峻嶒殿閣懸飛梯裊相拄登臨力屢疲嘯  
傲氣還鼓乘風凌絕巔浩蕩江天俯博望咫尺閒  
嵐影晴吞吐題詩憶謫仙斯人邈難親日暮憺忘

歸漁歌發煙浦

博望山名

西坡類稿

卷二

十三

晚泊江上

蘆葉蕭蕭響東風暮未停船多成小市浪闊湧疎  
星土俗從人問江湖倚櫂經最憐明月照千里亂  
山青

牛渚風雪歌

牛渚孤舟三日泊浩浩狂飈天外作驚濤巨浪若  
奔雷岸柳汀花俱寂寞曉起篷牕望冥漠雪花如  
掌紛紛落三月翻如臘月時急解春衣換狐貉雲  
氣蒼茫波上飛山村蕭瑟扁柴扉蛾眉亭畔鷗鷺  
集水府祠中煙火稀采石之山盡長松盤旋磊落

千蚪龍枝柯戴雲青且白天然圖畫何其工此地  
由來號靈窟逸興登臨莽超越然犀照水事徒傳  
開國英雄亦倏忽只應喚起謫仙人把酒江天問  
明月

謫仙樓觀蕭尺木畫壁歌

謫仙樓外長江流謫仙樓內煙雲浮懸崖峭壁欲  
崩落蚪松怪樹風颭颭泉聲山色宛然在漁翁樵  
子紛遨遊細觀始知是圖畫捫壁惝恍凌滄洲古  
來畫手傾王侯筆墨恒令神鬼愁每逢勝地亦揮  
灑元氣直向空牆留嗚呼維摩真蹟不可得通泉

西坡類稿

卷二

十三

羣鶴無顏色當今畫壁數何人鳩茲蕭叟稱奇特  
前年掛帆牛渚來登樓一望胸懷開解衣盤礴使  
其氣倏忽四壁騰風雷畫出青蓮游賞處千年魂  
魄應來去匡廬雲海泰山松華嶽三峰點秋樹朦  
朧細景不知數一一生成出毫素雜花窈窕溪澗  
深野水逶迤洲渚露危橋壞磴荒村連多少林巒  
莽回互橫塗亂抹總精神河伯山靈不敢怒我聞  
畫苑有本源北宋董巨品格尊後來大癡與黃鶴  
氣韻超脫同法門叟也涉筆非徒爾黃王如在稱  
弟昆此畫此樓竝不朽殘山剩水奚足言我家賜

畫舊滿箱年來卷軸多淪亡每與名流講繪事輒  
思鴻寶爲傍徨今也見此心飛揚衆山皆響殊尋  
常不用并州快刀翦秋水但願十日寢食坐臥留  
其旁

露筋祠次王阮亭儀部韻

細草平湖岸斜陽烈女祠扁舟人共繫懷古淚空  
垂小院留殘碣迴廊閃畫旗坐聞修竹響蕭瑟佩  
聲疑

重遊北固山甘露寺從磻道過放生池慨然

有作

西陂類稿

卷二

十四

凌晨訪名山細草芳洲路翠嶽亘江天樓臺出煙  
霧盤紆叢篠深浙瀝清泉注探奇憶疇昔如駛流  
年度茲遊氣象殊初地添新戍嗟峨舊講堂列戟  
老兵住當時飯僧釜刀劒久鎔鑄雕楹梁帝書摧  
折等林樹遊人偶經過跋踏生恐怖山巔古石亭  
曠覽欣如故依稀揚州塔突兀雲閒露洪濤萬里  
來蕩瀟朝還暮孰知人事遷抑鬱傷情愫老僧三  
四人幾載禪房寓較余爲後來安能話平素山陰  
放生池磻道莽回互蒙茸荆棘生樵牧不復顧我  
行曳短筇石磴屢停步旣至殿宇頽誰氏新加墜

曩者三尺魚游泳生意足臨流倚曲檻朱鬣不知  
數一旦化爲田牟麥青青布惟餘蘿洞存絕壁斜  
陽駐三歎共僧徒俛仰得深悟望望野薔薇微香  
風際吐

金山二首

不盡滄江水中流湧一峰雲霄開殿閣鐘鼓震蛟  
龍海逼風濤壯波翻紫翠重山腰添斥埃寥落幾  
遊蹤

妙高臺上月郭璞墓邊濤今古傳靈境登臨倒濁  
醪楚天雙過鳥吳苑一秋毫漁父煙波裏吾將共

西坡類稿

卷二

十五

汝曹

同譚長益周廣菴玉叔兄遊焦山暮宿海雲

堂四首

不負名山約登臨快此時片帆投斷岸斜日到荒  
祠江俯盤龍窟人尋瘞鶴碑長風來萬里倚杖步  
遲遲

三詔高風在千秋詎可攀煙霞留古洞江海蕩空  
山絕壁飛蘿掛深林暮鳥還振衣峰頂上漁唱起

沙灣

竹響參差發松陰遠近舒長歌傳澗壑歸路俯空

虛梵放雲堂靜樽開海嶠孤坐閒饒古蹟風調辯

才殊

寺有周宣王鼎宋眞宗明仁宗勅  
楊文襄公玉帶寺僧古樵能詩

一榻山房靜燈光四壁開驚濤天外轉殘月夜深  
來極目塵喧隔驚心歲序催白蓮期結社禪誦傍  
香臺

焦山次王阮亭韻三首

山勢何峻嶒江流自平遠坐向海雲堂聞鐘日將  
晚

山下有殘碑千年傳瘞鶴側足向荒崖奔濤幾時  
落

西坡類稿

卷二

十六

洞壑不可識披雲共山樵夜深松響發疑是海門  
潮

第二泉同計甫草賦

寂歷空山裏涓涓第二泉來遊新雨後正值採茶  
天古甃莓苔積虛亭礪壑偏風爐松樹下石鼎句  
堪聯

弘濟寺訪蒲菴道人次杜于皇韻

一櫂破江光捫蘿到上方巖深石作屋地僻水爲  
鄉鳥雀空林靜茶瓜夏日長吟詩偕老衲清磬下  
迴廊

秋日入楚舟中漫賦二首

江晚碧鱗鱗輕舟下遠津吳牛穿葦出鷗鳥傍人  
馴打鼓催田父焚香賽水神土風俱在眼頓使客  
愁伸

向晚張帆去中流一葉輕吳山隨鳥過楚水劃天  
明風雨王程遠波濤旅恨生烹葵還剝棗清絕故  
園情

江行

秋風颭颭涼吹衣舟行遠望青山微銅陵縣前煙  
沒郭樅陽渡口蘆攢磯一聲兩聲沙鳥叫千種萬  
種江魚肥掛席飄然入圖畫扣舷高咏當斜暉

西坡類稿

卷二

十七

賦得他鄉逢七夕卽次孟襄陽韻

他鄉逢七夕渺渺獨生愁月照江潭櫂煙消水國  
樓青山當赤岸白袷快清秋天上佳期在還應妒  
女牛

馬當阻風歌

初唐才子瑯琊客棲泊荒江幾晨夕馬當相助一  
帆風倏忽洪都走七百到時高閣綺筵張如椽之  
筆樽前擲吳家小兒氣沮消千載風流照簡冊我  
今入楚淹孤舟清秋浩淼江天碧石尤風起櫓難

開鴈影蘆花共蕭緘名山咫尺凌飛濤萃嶺千尋  
動魂魄臨流把酒酬山靈願借樵風慰于役夜闌  
不寐倚篷牕激盪長空霜月白

舟過小孤次友人韻寄彭澤令李襄水二首  
雨後江山氣象蘇白魚如劍躍菰蒲勞勞半載嗟  
行役兩次征帆過小孤

煙波無際日高春萃嶺孤峰紫翠重羨爾風流彭  
澤宰彈琴長對玉芙蓉

團風鎮避風用少陵萬丈潭韻

北風江上急濃陰忽如晦孤帆隨鷗鳥歎蕩洪濤

西坡類稿

卷二

六

內繫纜向洲渚一水投煙靄咫尺見鄰舟突兀  
樓大小船如蟻蝨絡繹兩岸對港深波復平陽氣  
浮澹瀨雪花遠近飛著地明璣碎荒村盡掩扉漁  
翁不在外驚心列戍多到處懸旌旆江樓駐雄師  
聲名傳下瀨乾坤浩茫茫萍梗偕流輩百年境遇  
繁適意誰能最緬懷川路紆顧景篷牕礙悵然念  
去春遊賞欣吳會

解纜二首

解纜滄江上乘風過遠汀樹留殘雪白雲斂亂山  
青歲月慚萍梗鄉園念草亭閒關沙際烏倚櫂幾

回聽

岸柳敲還立江雲斷且隨樓臺三楚麗巖壑九峰  
奇戍遠聞霜角天寒狎酒危孤舟何處泊落日水  
中坻

西陂類稿卷二終

男致拔字

西陂類稿

卷二

十九

西陂類稿卷三

商丘宋榮牧仲

古竹圃續稿

齋中賞芍藥歌

東風澹蕩吹芍藥幾日閒園開倬約重跗累萼相  
鮮新獨殿春光破寂寞曉起園丁爭送花竹筐絡  
繹當門遮一筐千朶朶千瓣插來屏幃生雲霞俯  
仰高齋花世界傾城傾國誰能畫餘花還浸老瓦  
盆分送鄰翁償酒債嗟我當年江漢遊花開不見  
迴生愁今也對此堪痛飲如澠之酒樽中浮酒闌

西陂類稿

卷三

一

獨把花枝勦小史清歌停復奏春殘無計惜將離  
惆悵宵來風雨驟

磁州道上

夾道清泉湧單車趁曉行魚苗穿荇亂燕子掠波  
輕風景如江國雲山接帝京邯鄲前路近身世  
問盧生

過內丘圓津菴遊印庭上人園林

別業連方丈飛蘿滿院青花深藏亂水山小帶孤  
亭斲筍晨炊潔聽鷗午夢醒愁腸難遽洗俯仰近

沙汀

地近佛圖  
澄洗腸河

山店用沈繹堂太史壁間韻

策馬來山店臨風坐酒家陰輕槐漸葉香遠麥初  
花赤日空林外黃塵古道賒西瀆無恙在秋水憶  
蒹葭

米紫來見訪柳湖寺

有客曳孤筇禪扉扣晚鐘風騷初地話茗粥老僧  
供藉草邀新月吹簫傍古松西山還有約明發入  
雲峰

僧房卽事同周魚服使君

雨過莓苔淨禪房暑氣徂林高翻乳燕盆小簇新  
西陂類稿 卷三 二

蒲畫識吳裝妙詩傳楚調孤故人遊屐遠山水話

蒼梧

周宦  
粵西

聖安寺觀大內佛像有感

寺在柳湖村梅檀  
佛嘗飛至寺中元

學士程鉅  
夫有記

先帝十八載垂衣坐明堂聖德媿堯舜鴻功邁三  
王猶恐機智儔未盡返混茫爰資象教力感化遍  
遐荒黃金範古佛寶座森開張慈悲溢睂宇縹緲  
白毫光諸天左右侍神彩何飛揚珊瑚閒木難衣  
甲相輝煌信非九重命兼之歲月長安能窮冥搜  
法象傳上方何期

先皇帝鼎湖駿龍翔金粟出大內輿送柳湖莊如  
同梅檀降古刹飄奇香僧徒肅鐘鼓旛幢紛兩行  
嗟哉都人士來觀競趨蹌維余越一紀棲託到禪  
房晨昏遂瞻拜寸心起徬徨嗚呼

先皇帝高深難比量卽此善俗懷千載恒彰彰抱  
弓有遺痛淚下霑衣裳非徒向初地覺道覓津梁  
長吟望霄漢薄暮林煙蒼踟躕誰與說杖策入迴  
廊

寓寺晚步王阮亭以西山詩見投走筆奉答

次集中臥佛寺韻

西坡類稿

卷三

三

禪房睡初足微颺灑空林縹緲落幽磬泠然哀玉  
音支筇步苔徑拂石坐槐陰故人枉高唱乃自西  
山岑吟咏當日夕萬象森沉沉冰雪色在手蘭蕙  
氣盈襟始知簪紱客獨抱雲霞心操絃將屬和愧  
此清廟琴

沙河旅夜用高蘇門先生韻二首

殘陽下遠山車馬行俱罷張燈飯始畢跂足身方  
暇荒城槐葉疎新月紛茅舍緬想賦梅人商歌起  
中夜

中夜不能寐擁被念疇昔幾年漢水舟往日金門

戟歲月忽推遷關山走晨夕三歎惻余懷霜風撼空壁

次韻訓陳其年

歲暮相逢掩竹扉林丘同著薜蘿衣天將賦草催枚乘纔到梁園雪已飛

冬夜寄懷汪荅文民部

夫君江左彥郎署久棲遲傲骨今人少雄文後世知別離驚節序京國憶追隨搔首寒宵裏梅花正滿枝

陳其年同雪公早春雪後飲徐恭士齋中以

西陂類稿

卷三

四

新詩見示依韻奉和兼訂元夕之遊

憐君高臥旅懷增滑滑輕輕輶霽後乘小院寒梅尋故友一樽殘雪共詩僧相思竟阻山陰櫂後會應看兔苑燈七字新篇遙屬和傳柑清興已飛騰

答一無道人時歸自西湖

南屏山下路孤櫂繫青楓瓢笠尋西子風騷屬遠公去當霜月白歸及杏花紅莫漫詢遊記浮蹤等塞鴻

淇水

數里聞清響荒原一水流過橋噴亂石捲雪下空

洲岸竹何年盡沙鷗幾隊遊永言君子慕斜日更  
淹留

夏日柳湖僧舍用王西樵吏部韻

向夕微風起遙天片月斜禪宮添闌寂帝里得  
煙霞小院搖清磬長楸落晚花西山還對我空翠  
浩無涯

聞蟬

雨過招提靜新蟬幾處吟乍從空院落翻入亂雲  
深蕭瑟驚秋氣孤高託遠林誰憐羈旅客愁思正  
難禁

西陂類稿

卷三

五

送友人下第還崑山

憐君不得意歲晚放舟行風雨燕臺別離騷楚客  
情故山經虎阜遠水入婁城後夜相思處霜天過  
鴈聲

過濬縣訪李梅臣程箕山二使君不遇

清樽綺席舊曾攀十載相思尺素艱往事共傳梁  
苑賦故人今訪大伾山雲深別墅蹤難問雪滿前  
溪櫂獨還向夕不堪回首望朦朧煙樹閉重關

晚次黎陽村舍

幾載驅馳鬢欲斑單車歲晚又南還路迴漸入長

豐泊雲斂橫看善化山野店晚風留客早柴門新月放歌閒連朝祇覺歸心急夢繞黃河水一灣

旅夜

歲晚嗟萍梗關山策馬行戴星纔一飽聞鴈忽三更燈影兼人靜霜華逼戶清寒梅開欲遍迢遞故園情

仲秋送僧還金陵

幾載南湖上開池種白蓮又飛梁苑錫去汎秣陵船茅店清齋晚楓林野興偏中秋應到寺趺坐月明天

西陂類稿

卷三

六

介子弟重葺西渚別墅漫賦

已闢臺邊徑還開水面堂滄波當檻繞白鳥傍人翔歲月消漁艇雲山借女牆啁啾絲竹在感舊淚霑裳

遊呂公堂

野艇晴波漾荒祠夕照殘林棲燒藥客門插釣魚竿劍氣橫仙幄苔文繡古壇淹留新月上好取玉琴彈

綠牡丹二首

小院名葩絕代無雨餘新翠出叢孤芳姿點染勞

青帝媚態依稀見綠珠色借苔紋春自占影分竹  
葉望來殊徐熙好倩閨中黛別寫雕闌富貴圖  
異種遙分洛下春青霞碧水鬪精神香傳蘿逕花  
難辨蕊映蕉牕色竝新翠被鄂君元獨擁黛省西  
子正宜顰何當倒掛來么鳳點綴風光穀雨辰  
汎舟南湖訪雪笠道人

過雨南湖去澄波漾夕暉破船雙鷺浴疎柳一鴉  
歸鼓柁聞煙磬尋僧扣竹扉甘泉隨意煮真息漢  
陰機

從石公覓寫洛神圖詩以代簡

西坡類稿

卷三

七

開士丹青妙入神應知顧陸是前身澄心片紙收  
藏久乞寫陳思賦裏人

周將軍邀同劉山蔚田梁紫南湖汎舟

過雨南湖浪拍天扁舟載酒興悠然魚莊鱉舍晴  
沙繞岸柳汀蒲暮靄連鷗鷺不驚塵外客笙歌真  
作水中仙漁陽老將顛狂甚倚櫂高吟未許還

輓周元亮先生四首

梁木秋風一夜彫江關紫氣黯然消虛傳謝傅耽  
高臥絲竹東山已寂寥

舟移夜壑事難知孔李通門涕泗垂多少招賢廊

廟客千秋還讓鄭當時  
博雅爭推張茂先秦淮書畫載盈船卽今舊物俱  
零落遺草猶傳祭墨篇

令子長安比舍居南歸曾寄數行書何期生死須  
臾判欲賦招魂淚滿裾

答雪公南湖寺見懷

羨爾南湖上煙霞與結鄰荒城斜抱屋秋水澹迎  
人掛錫元無著抽毫迴絕倫不煩邀入社擬共采  
芳蘋

雨中西澹讌集

西陂類稿

卷三

八

衝泥騎馬到林丘坐向空堂俯碧流烽燧滿天飛  
羽檄菰蘆此地隱漁舟開樽饒有清狂興散髮真  
成汗漫遊簫鼓橋東喧作社太平風景尚能留

次韻答葉元禮三首

抱病經春掩敝廬閒看紅藥步階除臨風正憶人  
如玉忽接雲霄尺素書

別後嗟余鬢欲霜閒閒十畝足相羊舊時歌管驅  
除盡獨把殘編坐草堂

新篇吟罷倚庭梧長嘯如逢舊酒徒疎狂最惱汪

員外魚鴈頻來一字無

謂荅文

都官草

同周杞公過楊士佳草堂因尋黃茅岡放鶴  
亭諸勝和酬士佳見贈元韻

爲看君家竹同攜勝友過門前尋古跡山頂瞰長  
河鶴去空亭在岡迴怪石多一樽興廢感俯仰醉  
顏酡

春日同二客遊唐口山三首

偶作邾城客來尋唐口山雨添花爛熳風送水潺  
湲怪石環岡立殘雲度嶺還趣途偕二妙衣溼更  
躋攀

西陂類稿

卷三

九

霽後春光好山椒杖策過逕紆封碧蘚洞古隱青  
蘿嵐翠侵衣袂樵聲答嘯歌斷虹天外掛流影入  
巖阿

絕頂窮幽勝盤旋入畫圖花垂千磡滿峰抱一菴  
孤傍竈泉堪酌窺簷鳥自呼嶧山看不厭回首日  
將晡

榴花歎用昌黎杏花韻

芍藥已盡豐臺空階前榴花亦自紅乍開還落炎  
日裏狼藉其奈掀天風京師習俗好花樹中庭羅  
列家家同瓦盆矯屈作壽字數枝纔發無全功憶

昔梁園掩關臥閒閒十畝東郊中名花千本竹千  
个海榴百尺抽芳叢三逕逶迤向別圃幾間茅屋  
環青楓花時觴咏恣盤礴清香披拂情何窮年來  
作客廢幽賞風塵奔走隨西東獨對殘英起長歎  
抱甕擬作村居翁

題畫爲王阮亭作二首

稻穫荻花殘空江橫舴艋蟬舍寂無人柴門夕陽  
冷

軒開幽澗濱亭峙荒岡上來往茹芝翁楓林曳鳩

杖

西陂類稿

卷三

十

秋汎圖歌爲田子綸員外賦

田子磊落天人姿一官郎署聊棲遲太倉之粟轉  
輸急城隅坐閱舟車馳東南民力近已竭唱籌河  
上恒攢着岸柳汀花漸蕭瑟俯仰正值清秋時樽  
酒招尋展懷抱輕船容與浮漣漪授簡應劉賦公  
讌南溪不數昌黎詩生綃誰爲寫秋汎丹青直欲  
凌和之宋馬和之繫余臥疴掩蓬戶國門咫尺如天涯  
傳來卷軸歎奇絕摩挲三日右手胝長安冠蓋少  
閒暇公等獨與煙波期淹留觴咏狎鷗鳥風流還  
可千年垂但願普天洗兵馬曲江選勝長追隨

同葉子吉張素存二太史王阮亭民部遊安  
親王園時王南征閉門不得入還過韋公寺  
和阮亭作

竟阻尋幽興空攜作賦才開樽思兔苑杖策過香  
臺畫棟秋雲隔松關暮雨催南征聞奏捷飛蓋會  
追陪

賦得荷枯雨滴聞

秋雨溟濛水一泓殘荷幾處向波橫田田頓改風  
前色灑灑偏傳葉上聲傍岸蛩吟爭斷續眠雲鶴  
夢助淒清初衣欲製嗟零落側耳方塘百感生

西陂類稿

卷三

七

晏子披裘圖爲魏環溪先生題

文勝末俗奢紛靡不知止鏤篋而朱紘仲父猶爲  
此勳業誠爛然器小盈易爾何如示儉德劑世齊  
晏子一裘三十年敝之而後已身不滿六尺衣褐  
最約矣尚懼怙侈生况乃大於是觀其相三君顯  
名炳良史深知越石賢解驂脫綬縲嗇已以施人  
士爭樂爲死千載慕高躅願同執鞭士

讀新安呂氏家乘奉弔大司馬忠節公

有明當末造盜氛遍梁園澠池與伊闕衝斥黃巾  
繁偉哉大司馬里居作屏藩家資散不惜義士盈

閭門保障匪一朝誓死報國恩崇禎辛巳秋洛城  
被鯨吞城中十萬戶殺戮到雞豚而公罹凶鋒罵  
賊類平原精誠貫白日生氣凜然存昔公避璫燄  
七載臥荒村講學紹濂洛將使薄夫敦何期丁喪  
亂天柱摧崑崙嘉號易忠節代遠名愈尊睢陽張  
與許惟公足弟昆紛紛冠蓋者偷生安足論招魂  
一以誦哀怨流乾坤

夜霽書懷

連旬陰曠忽晴霽雲氣盡掃遙天青月影娟娟掛  
樓角螢光閃閃穿牕櫺松濤忽動鳥驚起鄰笛橫  
西陂類稿

卷三

十一

飄人臥聽浪逐塵囂豈吾事詰朝擬斲嵩山苓

曹子有綠水送春帆之句一時豔稱之偶占  
絕句以贈用阮亭韻

公子高歌綠水篇清新五字劇堪傳如聞疎雨梧  
桐句心折襄陽孟浩然

遊祖園雜詩七首

春光偏向客中催選勝城南竝馬來多少閒愁消  
欲盡路旁茅屋絳桃開

插天高柳碧絲絲一片東風淡蕩吹彷彿隋家堤  
上過露條煙葉叫黃鸝

園林晴日散芳菲曲逕藤梢欲罨衣愛殺水亭風景好蒲芽纔吐燕雙飛

亭北名葩取次看一枝將放倚雕闌梁園記得春深日斗大花開綠牡丹

高臺突兀俯紅亭樹杪西山一抹青誰繫斑駁花塢外故吹長笛使人聽

名園自昔追隨數回首俄驚二十年最是夕陽花底坐遊絲依舊落尊前

折得風前赤玉枝帽簷斜插醉歸時重遊好待將離放還唱旗亭絕妙詞

西陂類稿

卷三

十三

王北山給諫謝方山秋部招同諸公摩訶菴看丁香因訪慈壽寺元福宮釣魚臺諸勝三首

古寺花成幄霏霏過雨天穿林隨老衲捫葛上荒阡雙闕晴雲外千峰夕照邊幸同江左彥觴咏足陶然

鄰寺看碑入仙居載酒行荒涼前代蹟憑弔此時情塔院飢鼯竄丹房野蕨生松陰留小憩格磔暮禽鳴

欲訪垂綸處長歌鷺塢來澄波飛野鴨斷岸失孤

臺正喜青藤共寧愁畫角催勝遊應再續計日牡  
丹開

奉送高念東先生 予告還山六首

香山今日咏歸歟真見高風漢二疏回首東華塵  
十丈此中豈是列仙居

獨向丘中弄玉琴滿園修竹舊清陰松巢結就聞  
竽籟靜掩雙扉戲五禽

自昔登臨說侍郎覺山萌水足相羊撈鰕淺水花  
明渚提榼空山雪滿岡

幾載勞山入夢賒荷衣今訪赤松家春風自唱遊

西陂類稿

卷三

十四

仙曲采采溪頭巨勝花

秋官讀律心常苦冬夜聯吟興轉豪最是舊遊忘  
不得一樽赤壁月明高

京國淹留衣化緇煙霞骨相辱公知青鞵布韉追  
隨去不待恒河照鬢絲

康熙二十年七月二十一日

上御瀛臺 名滿漢諸臣汎舟 賜宴兼頒彩幣

有差宴畢仍 賜菱藕紀恩二十韻

聖主垂衣日遐荒貢雉年輓輸方濟晉凱奏又平  
滇世際唐虞盛酺宜苑園前 翠華臨太液白露

肅高天西嶺雲霞入南臺眺賞偏千官來絡繹一  
水渡潺湲擢撥青蒲偃魚跳碧浪濺牙檣驚屬玉  
龍旆映秋蓮路轉蓬瀛接樓開象緯連鋪茵依灌  
木張幄對晴川文綺殊恩及重霄睿命宣珍  
羞傳大內蘭蕙簇芳筵當坐清談許行觴跪飲虔  
勸酬元老洽感激小臣先既醉頌嘉果言歸壓錦  
韉遭逢真幸矣報稱豈徒然執戟蒙先寵分曹  
荷世延屬車懷夙昔執法愧班聯身漸馮唐老心  
希定國賢慶同洛都宴漫續柏梁篇

西坡類稿

卷三

十五

西坡類稿卷三終

男筠校字

西陂類稿卷四

商丘宋瑩牧仲

雙江唱和集

聞蟬

淒切空庭外新蟬作意吟  
數聲殘雨後一樹碧煙  
深物候他鄉得羈愁薄  
暮侵柴門高柳下幾日許

披襟

和前韻

華亭

錢柏齡介維

薄暮虛堂外新蟬嘒嘒吟  
好音傳院靜嘉樹逼檐  
深過雨聽偏切臨風感  
易侵故園何處所林際想

西陂類稿

卷四

開襟

秋日同錢介維遊東勝山

留滯雙江上招尋一壑間  
老僧何處去初地任躋  
攀浥雨佛桑落窺人山  
鷓間風流錢翊在吟罷月  
中還

和前韻

柏齡

望去招提境悠然林壑間  
使君愛幽賞羣從樂追  
攀時其崇維德  
錦舍皆從苔色入秋淨  
禽聲薄暮間小山有

明月留醉不知還

詠庭蕉用松陵集新竹韻

蕉林高十丈，櫛比羅前楹。白日不能下，綠天杳冥。  
冥色割鴨頭，水葉蠹爰居。翎好移青玉，案就此碧。  
雲屏雨至衆，響激風定做。煙生但苦三秋夜，月不  
遍閒庭。踈衣鹿可覆，甘露酒能醒。何須美人號，紅  
萼發清馨。炎州寡霜雪，庶同松柏零。

和前韻

柏齡

甘蕉環數抱，森綠浮軒楹。苞固若義竹，聳蠹連蒼。  
冥何來垂天翼，委比青雲翎。兀然樓閣表，突起芙  
蓉屏。翻風碧靄動，過雨飛流生。炎威熾西陸，廣陰  
月中庭。揮毫事已邈，覆鹿夢未醒。偃仰高林下，襟  
袖餘幽馨。終古飽霜霰，蒼翠無時零。

西陂類稿

卷四

二

虔州雜詩用子瞻八境臺韻八首

縹緲江城百尺樓，羣公飛蓋此銷憂。星槎到日追  
隨數遠，汎應憐博望侯。

鉤輞烏語去，仍還雲樹雙。江起暮寒自笑遊蹤逐，  
坡老十年前亦宦齊安。

崆峒山畔暮雲堆，風起芙蓉次第開。向夕空庭堪  
拄笏，連天積翠月中來。

誓師江上憶陽明，讀罷遺編客夢醒。惆悵斯人今  
不見，荒祠落日影亭亭。

何日還叅馬祖禪  
花宮巖際自巋然  
捫蘿擬搨題  
名字嗜古從人笑  
茂先

江關烽火幾年中  
壯士今歌零雨濛  
帆影蕭條鴻  
在野雙流鳴咽自  
西東

無復當年章貢臺  
鬱孤荒阜素馨開  
殷勤獨有悲  
秋客倚杖看雲到  
草萊

雨餘竹樹影參差  
耿耿孤懷明月知  
且喜尋常了  
公事木蘭花下任  
題詩

和前韻

柏齡

千雉層城霞作樓  
烽煙初罷四郊憂  
憑高漫擬休

西陲類稿

卷四

三

文詠幾見揮毫博  
徹侯

檐前越燕乍飛還  
滾滾雙流到檻寒  
檻外去帆輕  
似葉臨風不獨憶  
長安

天南無限翠螺堆  
一徑梅花五嶺開  
不是炎州消  
戰伐春帆那得佛  
桑來

蘭臺奉使號神明  
飛蓋登臨幾醉醒  
遲日紅牙鼓  
欲遍寄情塵外一  
閒亭

時牧菴使君選  
詩餘塵外集

競說當年馬祖禪  
層崖松柏自森然  
等閒閱盡塵  
中客孰是能持半  
偈先

縹緲金精出望中  
洞天雲氣日空濛  
佳人已共風

塵絕采采蒹葭一水東

謂魏徵君兄弟

千秋李勉已無臺贏得幽襟此地開乘興復尋清

獻蹟女牆高處有荒萊

青峰紺宇互參差暮靄凝來杳不知遲得金波湧

江畔一天澄碧照題詩

和前韻

宣城

袁啓旭 士旦

突兀城闈起畫樓西風憑眺一增憂三湘百粵多  
烽火辛苦專征盡列侯

何處漁竿釣月還東來煙水上衣寒驚心最是新

巢鵲三匝初歸夢未安

西陂類稿

卷四

四

十八灘頭蔓草堆疎林破屋晚煙開誰家解唱邊

庭曲玉簫風中過枕來

深松掩映夕陽明亂罷山川似夢醒一自看山人

去後江聲冷落到旗亭

獨客齋心似老禪亂山秋木坐蒼然登臨且酌他

鄉酒愛有橙香入座先

吳楚關山暮靄中一行煙艤破冥濛銷魂怕及賓

鴻候風雨驅人五嶺東

百戰經過賸此臺秋風吹動木蘭開孤雲明滅雙

江外莫遣新愁到草萊

迴岡雉堞吐參差石徑荒涼野老知昨日使君天  
上至醉捫高壁共題詩

宋牧仲使君邀集城南精舍

寧都 魏 禮和公

愛避繁華境招提作勝遊高僧殊磊落名士足風  
流地僻難消暑心閒易得秋使君饒逸興不減庾  
公樓

次韻酬魏和公處士

花宮逢魏野如向易堂遊

易堂爲處士兄弟讀書處

人靜苔堪

藉林深翠欲流高言驚法侶勝地得清秋擬識崆

西坡類稿

卷四

五

峒面長吟上小樓

同集奉和

柏齡

初地一何僻相將得勝遊真同蓮社約不愧竹溪  
流白袷宜殘日黃橙報晚秋翠微雲臥處百尺有  
高樓

使院池上構小橋待和公漫賦一絕

秋水蒹葭極望遙新成略約一相邀他時應有閒  
人說使院牆東處士橋

次韻奉酬二首

禮

編木橫池逕未遙閒來不待主人邀使君風度真

巨曠夜踏青莎送板橋

麋鹿生成世事遙幽情偏愛使君邀蘇堤湖上稱  
名勝雙水千秋有宋橋

和公以榠榘見貽口占爲謝

客從山中來贈我山中果  
蠻榘名最佳入手何磊  
砢登盤十二枚所得亦已夥  
瀟灑風味殊豈在哀  
梨左一片世外香遠自翠微  
墮珍重處士遺惠而  
真好我題詩謝殷勤永言懷袖裏

次韻奉酬

禮

味澀不諧時榠榘類諫果其技能連理其幹癭磊

西坡類稿

卷四

六

砢聊用物土宜袖攜未能夥顧邀使君珍置之玉  
盤左自慙謬誇姿行恐家聲墮使君云好之非果  
而以我敢效行冲言願得存藥裏

和前韻

柏齡

南國秋氣佳涼風薦百果處士投使君榠榘絕磊  
砢數顆良已微方欣所得夥顧茲高賢貽味與塵  
中左珍重閱圖經茗語燭花墮咄嗟成報章才盡  
獨慙我詩人感木桃行當什襲裏

佛桑

殷紅朶朶閒輕黃花起重樓葉是桑過嶺定知梅

遜色帶人何必薜生香鷓鴣啼處紛愁態瘴癘開  
時爛曉粧珍重炎州來異種休將玉蕊說唐昌

和前韻

柏齡

瑪瑙殷紅淺赭黃朝暉映處見扶桑當筵自共霞  
爭麗辟惡寧須麝比香戴勝降應驚別豔羅敷攀  
合妒新粧木棉嶺上開無數難向重樓擬樂昌

鬱孤臺歌

鬱孤臺迴寒雲浮城中坐見雙江流酸風一道射  
眸子我來正值天涯秋李公遺構已塵土碧草芊  
緜沒殘礎側身北望魏闕遙野日荒荒照前浦奔  
西陂類稿 卷四 七  
濤盪涵山嵯峨千年霸氣何其多誰是姚江後來  
者蒼茫倚杖徒悲歌

和前韻

柏齡

鬱孤之臺鰲背浮江波迴合煙雲流飛梯十丈拔  
空起想見輪奐凌千秋今我來遊但荒土無復方  
花列古礎仰天長嘯清風生蠅蝻在東日南浦城  
頭雉堞何嵯峨週遭削出芙蓉多山中木客不可  
見月明彷彿來高歌

使院卽事示介維

雙江如箭聒斜陽一髮中原是故鄉狼藉芭蕉堆

逕綠分明橘袖飽霜黃  
杯酬木客山中句  
衣染黎人海外香  
好趁瘴消秋雨後  
幽巖振策共錢郎

次韻奉酬

柏齡

官舍秋陰淡夕陽  
鱸魚消息渺江鄉  
紛披楚畹蘭叢秀  
冷落淮南桂蕊黃  
載酒幾過池上釣  
檢書頻拂篋中香  
高唐麗藻元無敵  
此日風流屬省郎

題畫

楓林瑟瑟水泠泠  
望裏千尋石壁青  
誰寫子瞻當日句  
虔州城外古螺亭

和前韻

柏齡

西陂類稿

卷四

八

溪山一曲似西泠  
落落修林望裏青  
應是倪迂高絕處  
更無人倚竹閒亭

秋日用李義山韻

題詩同魯望客况未應知  
章貢容浮梗崆峒待采芝  
地幽行藥遍瘴暖得秋遲  
矯矯池邊鶴江湖有素期

和前韻

柏齡

秋氣渾無賴羈懷只自知  
聯吟惟宋玉染翰憶張芝  
木竹分甘遠扶桑競豔遲  
木竹子翠微山果和公處士攜來扶桑卽  
佛桑翠微峰頂屐應待小春期

附步前韻

男基

南樓終日坐客思竟誰知風急時聞杵山空憶  
采芝芭蕉經雨大橘袖待霜遲白袷新涼候悠  
然塵外期

山呼

嶺外禽名喚亦奇蒼衣素頰性多知漫將翠羽誇  
鸚鵡祇覺清音奪畫眉瘴海舊林歸夢遠朱籠斜  
日向人悲一聲婉轉西風冷玉輦空山有所思

和前韻

柏齡

炎方珍鳥見來奇閱遍禽經未得知金屋漫憐同  
西陂類稿

卷四

九

翠羽雪顛渾欲妒蛾眉喚殘碧海三更夢吟動蒼  
梧萬古悲誰把玉笈籠致爾異鄉飲啄起人思

九藥示介維用皮日休夏首病愈因招魯望  
韻

九藥晨披白袷衣在公何異臥巖扉漫言帆影橫  
江少且喜花香入座微檻舞一雙仙蝶麗廚烹尺  
半鯉魚肥連朝拚得吟詩瘦祇要風流鬪陸機

次韻奉酬

柏齡

秋老虔南正葛衣披襟遙憶舊荆扉連宵候月來  
花外幾日攀蘿到翠微

謂魏微君隱處

曲沼網歸魚婢小

雕盤剝出荔奴肥仙郎座上惟酬和相對真堪息  
世機

宋牧仲使君留飲書齋卽席有作

正韻

寧都魏禧冰叔

秋晚尋醫過贛江使君遲我讀書堂風吹北院清  
歌隔雨灑東牕夜話長蘭簿交新渾似故橘盤坐  
久不聞香最憐出語關民瘼手把醇醪未忍嘗

奉酬

歲晚相思隔贛江何期聽雨共蕉牕人驚世外來  
籃輦病起宵深對酒缸道德願留關尹喜風流真  
西陂類稿卷四

十

接鹿門龐最憐萬石洪鐘在一寸孤筵未許撞

蕉花追和葉元禮韻

綠天但說濃陰好吐秀涼秋見未曾密蕊暗依花  
瓣瓣孤芳倒壓葉層層香從暖發宜炎徼露喜晨  
流慰茂陵采采正憐同菡萏何須修竹苦相繩

和前韻

柏齡

秋來綠蔭看逾好花發閒牕得未曾傲竹暗抽莖  
幾丈比蓮難盡瓣千層露深不藉銅盤受風至愁  
將絳節陵一種甘香眞絕異楚騷空復美胡繩

遊通天巖作

宋陽行先隱  
此號玉巖翁

凌晨越章波杖策遵江徼野日破煙霏心閒展遊  
眺稍窮林薄紆遂歷岡陵峭千巖如蹲鴟突兀藏  
靈奧旣至儼堂隍通天維一竅雕鏤信鬼工曲折  
存遺廟山根洞穴穿偃僂僧徒導豁然世界殊飛  
空巨石倒崎嶇難具陳盤礴發狂叫伊余厭塵囂  
探奇慰所好緬彼玉巖翁彷彿聞清嘯諸賢相繼  
來忘歸領其妙觸目多遐蹤眷言託同調夕陽猿  
鳥鳴移情此雲嶠磨墨搦題名千年碧苔掃

和前韻

柏齡

蘭檝亂奔流筍輿出幽徼磻路凌高寒晴空恣雄  
西陂類稿

卷四

十一

眺越彼停雲岡石勢愈巉峭仙源湛水木萬古藏  
僻奧鬼斧亦何工玲瓏鑿一竅碩人此盤礴千秋  
儼遺廟仰瞻愧後塵冥搜託前導更窮邃洞紆忽  
訝懸崖倒羣山青濛濛惟聞猿狄叫旣異少文遊  
良慰康樂好想見開關初矯首發長嘯憑弔多古  
音歷覽收衆妙詎惜下里歌上擬白雪調待緝薜  
荔裳來臥芙蓉嶠爲問巖棲僧荒蘿幾人掃

月夜同介維暨子基至著飲東勝山精舍

雙江風土連炎州歲暮那復披羊裘放衙行藥策  
藤杖長歌還向招提遊城隅一徑入蒼靄花關竹

塢藏層丘講堂開處碧苔滿余曾題作山之幽斜  
陽欲墮衆鳥集鷓鴣呼伴聲鉤輞俄驚紫燕舞牆  
角社日已過仍淹留僧言此地少霜雪臘月時或  
開桃榴我有嘉賓盛才調崢嶸賦手追應劉同來  
命酒待明月興酣落筆雲煙浮兒曹識字強學步  
微吟彷彿巴人謳玉盤漸見湧林樾松篁影亂紛  
蛟虯仰天大叫發狂態杯傾不盡章波流今夕何  
夕樂無極盤桓叢桂簷堪抽參橫月落下山去臨  
風徙倚空搔頭

和前韻

柏齡

西陂類稿

卷四

十一

仙郎奉使來虔州倏忽夏葛還冬裘雙江政平日  
無事放衙常作花宮遊此山突兀傍城角禪關曲  
折隨林丘白頭老僧意瀟灑手植百果耽清幽使  
君過此雨初霽山門寂歷停華輶擔壺挈榼踵相  
繼日云暮矣仍淹留木奴滿前香未了山茶欲傲  
炎天榴卽此一壺足盤礴招隱何必淮南劉使君  
興至發高詠硬黃紙上松煙浮居然天庭振大呂  
非徒瑣細工吟謳羣從意氣盡磊落下筆恍見騰  
蛟虯須臾暝煙淡叢薄中庭忽覩金波流新篳滿  
酌那辭醉狂來聊復殘毫抽沉沉銀箭催不起濡

墨擬黑張顛頭

寄懷牧仲虔州

新城 王士禛 阮亭

虔州界閩湘蘭蕙賤于草復有寶珠香玉雪映清  
曉江城微雨過炎瘴淨如掃高齋開八牕豁達涼  
風早方牀黃琉璃臥起日杲杲清芬惱魂夢仙膚  
愛綦縞嶺外陸郎花未敢鬪娟好昨歲在京國冠  
蓋苦紛擾朱門多林塘無由聽啼鳥今年八境臺  
雙江入登眺閒註詩楚騷多識不爲少遙憶書到  
時顛石風嫋嫋

次韻奉答

西陂類稿

卷四

三

繫余別京畿嚴霜彫百草故人相祖送駐馬桑乾  
曉回首歲月遷舊迹忽如掃江山信阻修坐驚白  
髮早瘴癘積晨昏鮮見日杲杲素心寄瑤華不數  
延陵縞爲言章貢佳佩紉秋蘭好豈意當關勞羽  
檄嗟紛擾那窮雲壑幽聊復親花鳥時登八境臺  
側身中原眺迢迢霄漢間古道如君少心同訟閣  
鈴臨風恒嫋嫋

移寓四絕句寄宋牧仲員外

宣城 愚山

施閏章

新移客舍面朝陽容膝攤書卽草堂向夕疎簾從

半捲好教明月到匡牀

書聲不敵市聲喧恨少蓬蒿且閉門此地棲遲曾

宋玉蘚牆零落舊題痕

葡萄霜際葉蕭森物色兼催遲暮心好處爭誇在

三伏桃笙烏几綠陰深

年侵出處自嫌身望遠閒關入夢頻嶺樹江雲秋

未冷鷓鴣聲裏獨吟人

次韻奉答

虔州風土困驕陽上客堪誇有易堂安得宣城老

詞伯翠微峰頂共匡牀

西坡類稿

卷四

十四

我居京國厭塵喧手種葡萄綠滿門此日棲遲君

亦得行吟應破舊苔痕

廬陵百戰氣蕭森疇昔耕桑節使心白鷺講堂何

處覓空洲燐火亂宵深

愚山觀察廬陵  
日建白鷺書院

孤臺北望杖隨身迢遞雲霄尺素頻三案是非從

此定乍聞館閣得斯人

歲暮集亦蘇堂卽席限韻

握算眞何補霜華點鬢新山僧初薦果官閣正留

賓心遠江湖狎時艱歲序頻自憐餘賦筆收拾嶺

頭春

附 步前韻

男至

遠道趨庭子雙江入望新  
銜杯酬勝地作賦擁  
嘉賓籠鳥窺人靜  
檐蕉過雨頻  
離歌猶未發  
覽眺及芳春

己未除夕喜吳遠度見過席上有作

今年元日留江東  
與君醉臥扁舟中  
今年除夕章  
水上與君又泛椒  
花紅人生邂逅亦  
難得吾徒令  
節誇奇逢當筵一  
笑快胸臆羈愁消  
遣隨春風何  
以贈我雙錦軸  
道子圖畫嗟神工  
更有華燈妙翦  
刻五枝青玉將無  
同張燈懸畫但鯨  
飲照耀使院  
西陂類稿 卷四 十五

驚兒童此邦暄暖盛  
花竹庭梅久已開  
芳叢素馨  
蘭蕙相繼發  
正宜登眺窮  
崆峒君言明發趨  
嶺嶠  
丹青貌取羅浮峰  
我亦江頭命短櫂  
乘春謁帝  
蓬萊宮賦詩守歲  
永今夕無令良會  
徒怱怱千門  
爆竹喧未了  
沉沉忽聽遙天鐘

和前韻

柏齡

吳君潑墨雄江東  
氣格不落丹青中  
得名海內三十載  
素穎欲改朱顏紅  
今年使君駐白下  
元辰柏酒曾相逢  
周郎題詩殊敏捷  
時雪客有作嗟峨青翰生  
條風春帆送我顛  
江去妙跡常憶梅  
花工逡巡流

景三百六聯吟竊幸仙郎同只今除日日初夕雙  
江爆竹喧兒童喜君至止正匝歲中庭蘭蕙開芳  
叢贈有淋漓雙畫幅煙嵐彷彿凌崆峒九微佳製  
更殊絕舉酌勝對鼇山峰頓使蘭臺動詞賦高吟  
聲協黃鍾宮佳辰勝事良未易羅浮策杖嗟怱怱  
明年聚首向何處還期同聽臺城鐘

題遠度畫三絕句

溪堂秋色佳楓葉空階亂相對兩詩翁長歌竹里  
館

攤書兩忘言林閒適煮茗門外獨何人沿溪曳煙

西陂類稿

卷四

十六

艇

小閣面前山紫翠當牕入看雲歸未歸長使樵童  
立

和前韻

柏齡

小築溪山幽秋色莽零亂若非灑西堂定是柴桑  
館

楓老欲作花竹煙知煮茗一編靜對餘目送迴溪

艇

草閣雲邊開松濤空際入閣上復何人看山閒竚

立

喜彭躬菴處士過訪卽席賦贈兼送往江南  
千仞金精不可攀荷衣今喜接江關林巒採藥文  
章老湖海盟鷗歲月閒暮雨清樽留贛石春風孤  
櫂過廬山南中耆舊彫零甚誰與天涯數往還

和前韻

柏齡

野服雙江喜乍攀追陪彷彿到松關不緣令尹冰  
心迴那識真人紫氣閒官舍梅花同一榻春帆樽  
酒度千山分攜最羨冥鴻遠梗泛何由得共還

題遠度畫竹

柏齡

幽篠密復疎蒼然倚卷石春風坐彈琴一嘯湘煙

西陂類稿

卷四

七

碧

和前韻

何來柏水翁翛然寫筠石秋風便面生一段瀟湘

碧

舟下十八灘用林澹亭戶部遊南華寺韻

章貢此交流水石驚千變虎牙激奔濤未許褰裳  
踐鼓櫂念乘危亭午忘朝膳盤旋百折遙象馬瞿  
塘見搖搖三板船遠下疾于箭青山兩岸佳咫尺  
不及盼長年倚舵樓目注心還戰羨彼水上鷗容  
與隨風便纜經洄洑艱又逐嶽奇轉楓林送啼鶉

沙渚竄野挺暮過惶恐灘漸覩江如練蘋藻薦文  
山斜月浮波面

和前韻

柏齡

贛水束萬山湍激紛詭變積雨添春波畫鷁喜初  
踐駛流挾微風冷然忘寢膳倏忽龍淵翻峻嶒虎  
牙見危埒駟注坡撇若弩送箭曲折爭毫芒瞬息  
不及盼縱有長年師心悸股亦戰所嗟萍梗蹤難  
假羽翼便徒訝崖壁奇篷牕互迴轉深林聞鷓鴣  
洞穴愁猥挺行行薄五雲坐詠澄江練千里信輕  
帆快靚廬嶽面

西坡類稿

卷四

七

舟過彭蠡望匡廬用澹亭遊懸空寺韻

昔我東遊登泰岱天下名山皆兒孫今從舟中望  
廬阜始知嶽外茲山尊排空拔地幾萬仞身雖未  
至搖魂魄香爐翠嶺插霄漢橫峰側嶺相崩奔虎  
溪何處鹿洞杳五老俯瞰南康門雨餘瀑布瀉衆  
壑閒雲不蔽飛流痕俄驚野燒起邃谷照耀石筍  
紛高蹲蓬牕坐對嵐氣重湖光吞吐忘朝昏屏風  
九疊莽迴互神仙窟宅通崑崙匡生結廬已千載  
後來頻駐幽人軒林巒咫尺不可卽生平微尚將  
誰論臨風三歎廢眠食山靈知我愁懷繁願同白

鶴鼓雙翅飄然獨向蒼巖翻

和前韻

柏齡

惟敷淺原見禹貢千秋嘉遯遊王孫蔚然靈秀甲  
天下職方羣嶽難稱尊夙從圖史豔名勝望見未  
得搖精魂春帆適過彭蠡渚積翠忽共洪濤奔側  
身仰望不可極橫壓地軸排天門是日日霽湖氣  
淨白雲斂盡無纖痕鑪峰劒峰總霄漢其下列阜  
如鷗蹲玉龍隱見掛千尺金波欲上白日昏虎溪  
鹿洞發幽想恍涉瑤海瞻崑崙斯時夜色淡天宇  
舵樓縹緲開層軒酌酒試揖五老飲飄然逸興誰  
西坡類稿卷四  
十九

堪論吁嗟匡君竟何許芙蓉自碧明星繁狂吟欲  
就風乍起蓬牕臥聽驚濤翻

附  
步前韻

至

匡廬之山鎮南服峰如苞竹抽龍孫我來扁舟  
出其下巍然勢壓鄱湖尊屏風九疊散層翠一  
一突兀驚心魂千巖萬壑競趨赴茲山屹立看  
崩奔螺旋瓠剖望不極宵眇略辨山之門煙嵐  
斂盡雨初霽匹練猶掛飛流痕獨有五老更奇  
絕嗟峨各向晴空躡東林開先邈何許鐘聲恍  
聽來黃昏須臾野燒起山半北燭碣石西崑崙

髣髴絳節會羣帝定有白鹿隨飛軒吁嗟靈異  
幻今古紛紛俗子誰堪論洞天咫尺渺難卽愁  
吟徒使胸懷繁夜深風急雲似墨蛟龍欲起湖  
波翻

遊石鐘山次晦山大師韻二首

維舟依洞壑振策向孤峰吞吐江湖水崆峒上下  
鐘巖危蹲虎豹樹老走蛟龍目極風帆渺雲濤正  
盪胸

勝地水經著高文蘇子留嵐光侵縣市鐘響答江  
流鷗許尊前狎人驚戰後遊贊公今寂寞遺唱付

西坡類稿

卷四

二十

滄洲

和前韻

柏齡

天地來雙屐江湖壯此峰怒濤從齧石幽澗欲聞  
鐘徑轉迷荒雉巖虛凜蟄龍雲帆看不極萬里拓  
心胸

舟楫三春至江山百戰留孤城依疊嶂禪室枕奔  
流共策盧敖杖閒追蘇子遊倚欄漁唱起落照滿  
前洲

附步前韻

基

匡廬猶在望更此歷危峰突兀松盤磴旬旬壑

起鐘波光涵殿閣石勢走蛟龍搔首江天迴開  
茲曠盪胸

烽火三年後孤亭此尚留湍從深礮落石枕大  
江流畫舫乘春至花關逐伴遊萋萋芳草綠鷗  
鷺滿汀洲

附 步前韻

至

已盡匡廬勝登臨更此峰湍飛穿釣石風急悞  
僧鐘過眼帆隨鴈驚心樹化龍春波逾浩蕩極  
望一開胸

蹋遍尋山屐征帆喜暫留風傳深谷響聲入大  
西陂類稿

卷四

五

江流倚檻當斜日捫蘿憶舊遊坡公饒逸興長  
嘯滿滄洲

江行

船尾紅旗獵獵斜江天遙度幾雲沙風輕日暖篷  
牕啓穩坐中流看九華

附 步前韻

男著

駘蕩輕風日欲斜雲煙縹緲接平沙舟人指點  
江天外朶朶芙蓉是九華

野泊

濤聲當暮急帆影落平沙白鳥窺魚網青山出菜

花江湖行欲遍京國望還賒閒共篙師語汀洲片  
月斜

和前韻

柏齡

落日來秋浦征橈駐淺沙煙生敲岸柳香送遠村  
花片月依人近三山入望賒誰憐未歸鴈江上數  
行斜

附步前韻

至

荒陂朝雨過淺水浴明沙小泊隨漁舫微香送  
菜花春深江勢闊鄉遠客愁賒矯首煙汀外峰

高片月斜

西陂類稿

卷四

三

荻港避風二首

石尤風急舞江豚悵望中流落照昏遠岫連雲迷  
九子驚濤捲雪下天門煙生曲港輕帆集潮打危  
磯廢壘存多少齊梁遺恨在漁歌款乃自沙村  
春風小市賣河豚薄暮津亭水氣昏不住江濤崩  
荻岸俄驚山月照松門漁樵有淚遊兵過鐘磬無  
聲古廟存明發揚舡更東下杜鵑啼處幾家村

和前韻

柏齡

無邊雪浪捲江豚風際收帆日欲昏夾岸人家喧  
水市半山佛剎隱松門鳩茲路隔春雲杳板子磯

高古戍存明月舵樓閒對酒數聲社鼓起遙村

附  
步前韻

至

人家籬落散雞豚  
板子磯頭日已昏  
一簇雲沙明荻港  
無邊雪浪走天門  
停橈野岸輕煙合  
吹角江樓古戍存  
篷底瓦甌堪獨酌  
朦朧斜月照孤村

登謫仙樓

危樓獨眺大江隈  
落日雲煙杖底開  
鞭撻風騷人不見  
憑陵樽酒月仍來  
松盤曲檻飄清籟  
碑仆空廊繡碧苔  
欲賦迎神還閣筆  
千秋慚對謫仙才

西陂類稿

卷四

三

和前韻

柏齡

輕風斜日到江隈  
江上飛樓四望開  
萬古人同明月在三  
春客逐野鷗來  
丹青滿壁留雲嶠  
煙雨空庭積翠苔  
曠代風流誰繼起  
祇今獨羨出羣才

二老歎

有序

余行大江以南見二老焉  
其行事有足異者  
爰著于篇命為二老歎  
竊比于白樂天之秦

中吟云

維漢二千石爵高權亦專  
龔黃有遺烈千載揚簡  
編我行見太守名郡儼  
神仙出入擁旌旆道路恒

喧闐簿書委官閣日午猶宴眠萬金設僧飯百金  
開歌筵遂將惟正供揮霍如流泉昨奉大府牒責  
算庫藏錢漏卮其何補稱貸及市廛百端索屬吏  
湯火相熬煎稍稍囊橐克又復事管絃元宵觀火  
樹一樹值十千旁人爲太息座上方陶然嗟哉此  
一老霜華已盈顛但恣己所欲不問民顛連朝廷  
有功令煌煌日麗天何事位邦伯褒如克耳焉爰  
爲一老歎用代相鼠篇

征商維古制本抑逐末人豈意當關者竟同虎豹  
躡朝出楚江道帆檣蔽通津正值節使出冠蓋如

西陂類稿

卷四

三四

雲屯僕從何赫奕登舟來算緡爰有吳地賈絲絮  
前具陳苛計溢銖兩遂櫻節使嗔敲扑等劇盜仍  
責贖罪銀稅一罰乃百敢不俛首遵揚揚方得意  
歸誇筵上賓嗟哉此一老貴遊名譽振胡爲遲暮  
年惟與阿堵親倒行而逆施觀此愴心神再爲一  
老歎願勿效其颯

讀雙江倡和集作

閏章

坡公遊處路重經訝許詩人共客亭留得板橋  
長好在使星曾伴少微星  
荔子桑花勸客杯匡雲東送片帆迴鬱孤臺畔

休回首早捲雙江雪浪來

宜興 陳維崧 其年

君昔射虎蘄黃州虎腥亂濺青貂裘年來不作  
卜莊子慣逐我曹爲雅遊長安十子最籍籍格  
律安帖推商丘雙江一編歛馱幻奇而不說蒼  
然幽孟韓相值亦退舍萬牛穀餽迴其軻乃識  
使筆若使弩猛氣一撇誰能留朝士昨聞槎使  
到競詢蒟醬和安榴那知蕭然百無賸只有吟  
卷追曹劉鬱孤臺下聯水驛高檣如薺煙中浮  
清吟半入黎母唱一半散作珠娘謳日余榭關

西陂類稿

卷四

三五

擁獨樹壽藤怪蔓纏蒼蚪配君此編兩疎豁樹  
根仰讀嗟風流秋光連日劇無賴野籬菊蕊行  
將抽何能與汝出城去倒騎烏牒西山頭

用集  
中月

夜飲東勝山  
精舍原韻

莆田 林堯英 澹亭

屋背神鵲喧晴朝石根老柏垂勁條望子晨星  
久落落忽喜稅鞅塵聲消左停鞭弭右韃屬有  
若迸水迴赤蛟竹寮炯炯好圍坐

時牧仲同阮  
亭實菴漪亭

峨嶠蛟門方  
山集余寓齋

自言清興窮遊遨虔州二月春如

海雜花結障篁抽苞更躡鬱孤臺眺聽崩雲千

丈迎飛潮砰訇雷鼓日奔吼崆峒天竺疑動搖  
城南官閣靜無事不辭佳客頻招邀共翦谿藤  
命虎僕江風吹字成青瑤顧我經游已十載螺  
亭入夢真湫漻把君此卷轉自失恨無傑句留  
山椒投以小詩當杜舉徑須痛飲訶陵醪

安丘曹貞吉實菴

浩思臨風不易裁振衣獨上鬱孤臺扁舟誰破  
澄江色白板橋頭處士來

納納溪聲走白沙魚牀蟹舍兩三家陰安主客  
圖中句輸爾青山出菜花

西坡類稿

卷四

三

吹浪船頭豚拜趨峭帆如鷺下彭湖一雙斑管  
凌江去玉立分明大小孤

雛鳳聲隨老鳳哦中原文筆宋家多他年名字  
雞壇上爭許人閒喚小坡

江陰曹禾峨嶠

曾侍高唐賦筆奇重來楚澤騁新辭無端十八  
灘頭水流出雙江倡和詩

賓從風流一代才清吟同上鬱孤臺金精山裏  
高眠客披著荷衣入座來

我望廬山二十年至今塵土隔青天輸君行役

能相訪幾首新詩衆口傳

江都汪懋麟蛟門

橫江館外大江秋八境臺前月滿樓  
句子怪多湖海氣黃州曾歷又虔州

德州謝重輝方山

抹麗芳蘭次第開使君花底放船迴  
尋常苦抱名山癖便爲雙江也合來

臥閣閒吟日欲斜尋幽時過野人家  
極知覽眺多佳句偏愛青山出菜花

西陂類稿

卷四

三七

西陂類稿卷四終

孫如金校字



